

第一名

李寬宏

聲音 ê 路線

得獎感言

愛先多謝陳慕真老師ê指教，鼓勵我轉來大學讀冊、創作，閣有成大臺文系，予我佇遮爾四序ê環境用母語書寫作品，所以我袂簡單就放棄這條路，因為我恰意台語，嘛恰意寫作，聲音ê路線，逐个人攏無仝，希望這首詩會使予每一个臺灣人想起家己來時ê路。真歡喜佇大學五年仔這個誠重要ê一年倚佇教育部予阮ê創作舞台頂懸，多謝教育部這幾冬來對臺灣母語ê推揀，多謝逐家。



聲音 ê 路線

有一種腔口，
覷佇車站廣播內面，
佢扞梯做伙綴阮行過月台，
彼聲音恬恬流汗，
共時間揀轉去庄跤。

有一種語言，
佇水果擔頭前予人喝出來。
阿伯講甲真慢，句讀若六月ê樣仔，
一粒一粒落佇塗跤，
只賸芳味留佇空氣。
並無需要追問，
你知影以後猶會想起。

有一種聲調，
毋捌佇學校聽過，
同學朗讀雜誌，掛明星卡片，學bàng-kà台詞，
伊欲名次，伊欲出國，或者追星。
煞將流佇血管內面ê字詞囹佇角仔。

彼个百幾冬以前就來到遮——ê文字
捌坐過船對南洋漂來，
紮tióh西方ê面容，ti教堂內底予人讀過，
阮ti市場交換，變做別人兜ê傳家寶
煞ti幾十年ê口令kap恬靜內面杳杳仔失聲。



冊櫥仔ê siōng下跤，一張舊報紙
予雜誌嵌牢，嘛予雨水浸過
墨汁將時間染hōo茫霧，海水ê鹹味嘛漸漸散去。
無人越頭去看——
彼は馬六甲ê記持，
經過幾千公里ê海湧kap不安，這馬
阮咧等一陣風來，閣kā冊頁掀開。

巷仔口ê簍仔店嘛換過三个頭家，
門口彼片菸酒公賣局已經生銹，
你猶會記得老阿媽講話真慢，
但是案內人客个方式，比臺灣人閣較正確
一字一句，將身軀佻年代做伙拗入去數簿

佇土地公廟ê金爐頭前，
規疊福金一張一張予人吸入去，
親像彼年翻開ê教會公報，
你講你是無神論者，
只相信文字記載ê一切。
彼時我並無加問。

你講入聲時ê喙脣角度，
是頂年車頭見面ê笑容。
舊車站ê kháng-páng已經拆掉
時間將聲音揀轉去地下道，
等待有一工，
佻風仝款吹去每一个人ê耳空片。

